

dicitur, factum est autem cum sacerdotio fungeretur in ordine vicis suæ ante Deum, secundum consuetudinem sacerdotii sorte exit, ut incensum poneat ingressus in templum Domini. Ex quibus in hanc rem concludit: *Hinc appareat, plures eos fuisse, et vices suas habuisse: nam incensum non licebat ponere nisi summo sacerdoti; in altari scilicet thymiamatis, ut ante dictum est. Denique ibidem subdit: Et forte etiam unum annum plureres administrabant, quibus alio anno alii succedebant, ex quibus sorte exibat quis, ut incensum poneret.*

Imo ipsem S. Lucas satis insinuare videtur, Zachariam fuisse summum sacerdotem, 1. dum dicit omnem multitudinem populi stetisse foris hora incensi; 2. dum addit, eum fuisse solum eum angelus ei loquebatur. Nam si tantum fuisse simplex sacerdos, et ingressus primum tabernaculum (ut adversarii pretendunt) nulla videtur ratio, cur solus fuerit, cum usquam prohibitum legature simplicibus sacerdotibus, ne tabernaculum anterius ingredierentur. Vide supra Prob. VI. Ex his jam positis facile solvitur, quod summus sacerdos non exiret sorte, cum ministraret quando vellet; item quod deberet habitare in Jerusalem, et tamen Zacharias habitaret in montanis Iudeæ. Hoc enim tantum verum est de summo pontifice, non autem de pontifice simplici, qualem dicimus fuisse Zachariam.

Obj. VI. Levit. XVI, 17, dicitur: *Nullus hominum sit in tabernaculo, quando pontifex sanctuarium ingreditur... donec egrediatur;* ¶ 18: *Cum autem exierit ad altare, scilicet thymiamatis, etc.; ergo altare hoc erat extra sanctum sanctorum.*

R. Id non dici de altari thymiamatis, sed de altari holocausti; ut ex dicendis in cit. cap. XVI Levit. Q. 5 patet.

Ulterius objici posset, quod Josephus, lib. III Antiq., cap. 7, manifeste asserat altare thymiamatis fuisse positum in sancto. Sed auctoritatem Josephi hac in parte non putamus admittendam, quandoquidem ibidem tradat aliqua quæ aperte falsa sunt: nam de candelabro dicit, quod fuerit factum ex auro fusili, sed non solo; et tamen ex cap. XXV Exod. manifestum est quod debuerit fabricari ex auro ductili. Item tradit de altari holocausti, quod terra exciperet quidquid ignitum superne decidebat; cum tamen, ut supra cap. XXVII probatum est, non terra, sed arula hoc exciperet. Itaque sicut Josephi auctoritas in istis non est admittenda, ita nec eam admittendam putamus circa ea, quæ dicit de loco, in quo positum fuit altare thymiamatis.

#### CAPUT XXXI.

Deputantur a Deo Beseelel et Ooliab architecti tabernaculi: iterato inculcatur cultus Sabbati, et Moysi dantur a Deo duas Legis tabulae.

QUÆDAM EXPLICANTUR. — Vers. 2: *Ecce vocavi ex nomine Beseelel filium Uri, filii Hur de tribu Iuda. Fuit ergo nepos Hur, ita ut Hur fuerit avus Beseelelis. Hic autem Hur fuit filius Caleb, non exploratoris illius celebris qui cum Josue (Num., XIII) iustra-*

*vit terram promissionis; ille enim hoc tempore non attigerat annum quadragesimum (ut patet ex Josue XIV, 10), adeoque nullo modo potuit esse avus Beseelelis: sed fuit filius alterius Caleb, multo senioris, filii videlicet Esron, filii Phares, filii Iudeæ patriarchæ. Vide I Paralip. II, 6, 9 et 10.*

¶ 5: *Et implevi eum spiritu Dei, sapientia et intelligentia, et scientia in omni opere. Non Spiritu sanctificante atque interiori mentem renovante (hoc enim necessarium non erat), sed implevi eum, id est infudi et afflavi ei pre ceteris hominibus spiritum excellentem et omnem necessariam scientiam: unde dicitur repletus spiritu Dei, non absolute, sed cum ista determinatione.*

¶ 4: *Ad excogitandum quidquid fabre fieri potest ex auro et argento, etc. Unde S. P. Aug. Q. 138 in Exod.: Cum spiritu dicatur repletus iste divino sapientiae et scientiae nondum legitur (licet non incongrue etiam intelligatur) Spiritus sanctus, qui Spiritus est causa sapientie; unde in hebreo dicitur: Implevi eum spiritu Dei in sapientia.*

Quod autem non incongrue etiam intelligatur Spiritus S. Augustino manifestum est; nam Q. 114 explicans haec verba cap. XXVIII, 3: *Loqueris cunctis sapientibus corde, quos replevi spiritu prudentiae, etc., sic scribit: Quem ergo istum spiritum, nisi Spiritum sanctum debemus accipere?*

Sic quando dicitur dari Spiritus fidei, prophetiae, sapientiae, interpretationis, etc., sensus est quod detur Spiritus Dei causans in homine fidem, prophetiam, etc., quamvis ratione hujusmodi donorum non semper inhabitet hominem. Ita hujusmodi locutiones exponere solet S. pater.

¶ 18: *Deditque Dominus Moysi... duas tabulas testimonii, id est Decalogi, testificantis quæ sit voluntas Dei de rebus a nobis agendis.*

Lapideas. Ex qua specie lapidis, non expressit Scriptura. Hunc lapidem tamen admodum fuisse pretiosum, qui characteribus divinis destinabatur, non est cur in dubium revocetur. Unde S. Epiphanius opinatur has tabulas fuisse compositas ex sapphiro: atque idem censem Hebrei, teste Lyrano in cap. XXIV Exodi, quibus videtur favere quod Deus, Legem Moysi datus, apparuerit cum suppedaneo sapphirino, cap. XXIV, 10. Scriptas digitò Dei, id est operatione Dei, seu angeli Deum repräsentantis, non opera hominis: digitis enim operari et sculpere solemus. Apte vero digitum Dei nominat, quia hic vocatur Spiritus S. Lucæ XI, 20.

Apposite S. P. Aug. lib. de Spirit. et Lit., cap. 16, ita scribit: *Spiritus sanctus, per quem diffunditur caritas in cordibus nostris, quæ plenitudo legis est, etiam digitus Dei in Evangelio dicitur: unde et illæ tabulae digitò Dei scriptæ sunt; ut figuraret quod, sicut digitò Dei scripta fuit lex in tabulis lapideis, ita a Spiritu sancto lex scribenda esset in tabulis cordis carnalibus: ut ibidem notat S. Doctor: Ibi in tabulis lapideis digitus Dei operatus est, hic in cordibus humanis, inquit cit. lib. cap. 17.*

Observant Abul, Lipomanus et alii in prima tabula scripta fuisse tria præcepta ad cultum Dei pertinentia, in secunda vero septem de justitia inter homines servanda, conformiter ad partitionem Decalogi, quam cap. XX Q. 1 præferendam insinuavimus. ¶ cur Deus legem scriptam dare voluerit.

R. cum S. P. Aug. in psal. LVII: *Ne sibi homines aliquid defuisse quererentur, scriptum est et in tabulis, quod in cordibus non legebant: non enim et scriptum habebant, sed legere nolabant... quia homines appetentes ea quæ foris sunt, etiam a se ipsis exules facti sunt, data est etiam scripta lex, non quia in cordibus scripta non erat, sed quia tu fugitivus eras cordis tui.* ita S. pater.

#### CAPUT XXXII.

*Cum Moyses moraretur in Sinai, Hebrei urgentibus, Aaron vitulum aureum conflarunt, quem illi adorant. Hinc Deus vult eos disperdere: orat pro eis Moyses, ac descendens de monte, tabulas legis frangit, vitulum comburit, idololatras occidit, atque iterum in montem ascendit, Deum pro populo deprecaturus.*

QUÆSTIO PRIMA. — CUR REM ADEO PRETIOSAM, SCILICET INAIRES PETIERIT AARON AD CONFLANDUM VITULUM, ET QUOMODO PECCAVERIT IDOLOLATRIÆ COOPERANDO.

Vers. 1: *Videns autem populus, quod moram faceret descendendi de monte Moyses, congregatus adversus Aaron, dixit: Surge, fac nobis deos. Unum duntaxat deum videntur postulasse, nam et Aaron unum dando eorum satisficerit postulato: unde non est vis in plurali numero, nam vox hebraica Elohim et Deum et deos significat. Non tamen male interpres latinus pluraliter expressit, ut idololatriam insinuat.*

*Qui nos præcedant: non in Ægyptum, sed in terram promissam. Habebant columnam, sed quia, Moyses in monte moram trahente, et ipsa steterat, cupido eos invasit novi alicujus dei, quem ducem sequerentur; sed stultitiae plena est ista postulatio, ut deos querant duces, qui nondum erant, quosque faciat Aaron.*

*Moysi enim huic viro qui eduxit nos de terra Ægypti (de Moysi contemptim loguntur, quasi de quopiam ex vulgo, ut ingrati solent) ignoramus quid acciderit. Verisimiliter enim tanta fulgorum et tonitruorum, præsentim autem ignium tempestate, de qua cap. XXIV, 17, ipsum periisse existimabant.*

Dico 1: ¶ 2: *Dixitque ad eos Aaron: Tollite inauras auræ de uxori filiorumque, et filiarum vestrarum auribus. Hecete S. P. Aug. Q. 141 in Exod. dicit: Non absurdæ intelligitur (Aaron) difficultia præcipere voluisse, ut hoc modo ab illa intentione eos revocaret. Viros enim a mulieribus superbis et avaris ægre, ac ne ægre quidem id impetraturos sperabat. Unde patet Theod. Aaron propter istam tergiversationem, veniam meruisse. Factum tamen illud ipsum difficile, ut esset aurum ad faciendum idolum, propter eos notandum putavi (inquit S. P. ibidem), qui contristantur, si quid tale propter vitam æternam divinitus fieri, vel æquo animo tolerari jubeatur.*

Persuadere hic conatur Calvinus, Judæos in vitulo non adorasse ipsum vitulum, sed Deum verum, id est tanquam in figura Deum repräsentante (ut adiungit assecurat ejus), sicut romano-catholici venerantur imagines. Verum

R. et dico: Vitulum ipsum tanquam Deum coluerunt Hebrei: illo enim viso dixerunt ¶ 4: *Hi sunt dii tui Israel. Hebraice Elohim. Chaldaeus habet: Hi sunt timor tuus Israel. Id est, isti sunt dii quos timere et colere debes. Ita etolidi aurum et saxatimentum, Deum non timent, qui eos poterant in tartara præcipitare.*

Eos vere idololatras fuisse patet ex Apost. I Cor.

¶ 4: *Et fecit ex eis vitulum. Imitari voluisse Israëlitas quod viderant apud Ægyptios, qui sub figura bovis colebant Apis seu Serapin, testatur S. Hieron. in cap. IV Osee. Quod vero aliqui patres sic loquantur, quasi tantum conflatum fuisse vituli caput (ut D. Hieron. loco cit., S. Cyprianus lib. de Bono patientia sub finem, Ambros. epist. 69, Lactantius lib. IV, cap. 10, et Tertul. initio lib. cont. Judæos, ubi vocat bubulum caput), per synedochein explicari potest, ita ut accipiunt partem pro toto. Atque ita intellige S. P. Aug. in psal. LXXXIII, ubi de Moyse dicit: *Ipsum caput vituli in ignem misit, et exterminavit et communivit. Vitulum enim, et non tantum vituli caput fuisse, expresse eodem loco asserit S. Doctor, quemadmodum et Q. 155 in Exod.**

Dico 2: Quamvis S. Ambros. epist. 56 Aarone condemnare non ausit; equidem a gravi peccato excusari non potest. Nam quamvis id fecerit metu coactus, tamen quævis etiam mors ei potius subeunda fuisset, quam in re tam impia impia obsequi: unde et Deus iratus vehementer adversus Aaron, voluit eum conterere; ut dicitur Deut. IX, 20. Satius itaque fuisset a furente populo occidi, quam impia voluntati ejus acquiescere.

Perperam ergo rabbini et alii nonnulli conantur Aarone a peccato eximere ex eo quod dicitur ¶ 24: *Projeci illud (scilicet aurum) in ignem, egressusque est hic vitulus. Quasi videlicet ille d'ontaxat projecisset aurum in ignem, opera vero magorum, qui in tanta turba hominum simul cum eis de terra Ægypti ascenderant, formatus esset hic vitulus. Id siquidem dixit Aaron, ut insinuat S. P. Aug. Q. 145, quia compendio locutus est, idque non negandi, sed extenuandi criminis causa, ut fratrem mitigaret.*

P. an haeretici hinc bene inferant, Dei Ecclesiam cum suo capite posse a fide deficere.

R. negative; quia ut merito observat Estius, secundum est tunc Aaron nondum fuisse summum sacerdotem: etenim consecratus non est Aaron, nisi postea, ut patet Levit. VIII.

Moyses ergo, et populi caput et pontifex, non deficit, etiam levite non defecerunt, ut patet ex ¶ 26. Addi posset, quod Aaron non defecerit in fide, sed in professione fidei, sicut Petrus negans Christum.

QUESTIO II. — AN HEBRAEI IN VITULO ADORARVERINT VERUM DEUM, AN POTIUS VITULUM.

X, 7 : Neque idololatræ efficiamini, sicut quidam ex ipsis, sicut scriptum est: Sedit populus manducare, etc., de quo Deut. XXXII, 17, immolaverunt dæmonis et non Deo.

Dices: Videntur in vitulo coluisse Deum, ideo enim dixerunt: *Hi sunt dii tui, Israel, qui eduxerunt te de terra Ægypti.* Sciebant enim non a vitulo recente formato, sed a Deo sese eductos esse de Ægypto.

R. Eadem stoliditate, qua voluerunt sibi deos formari ab homine, etiam tribuerunt vitulo, quod Deo competebat.

¶. 5: Quod cum vidisset Aaron (populum scilicet ita gratulanten, sibique in vitulo complacentem) adificavit altare coram eo (ut oblatio sacrificio ejus divinitatem testaretur) et præconis voce clamavit dicens: *Cras solemnitas Domini est.* Quasi dicat: Cras vitulus ille tanquam Deus vester Adonai festo et sacrificiis colendus est.

Loco Domini in hebræo est nomen tetragrammaton *Jehova*; quod nomen etsi soli Deo debitum, tamen Aaron, jam peccato lapsus, idolo tribuit. Sic dicitur Sapient. XIV, 21: *Incommunicabile nomen lapidibus et lignis imposuerunt.*

Mirus hic fuit Aarons lapsus, ut ad favorem plebis captandum, et forte quia absente Moyse principatum et ducatum populi ambiebat, (oit A Lapide) non jam metu, sed sponte altare aedificaret vitulo, ejusque dedicationem et festum decerneret.

Lyranus tamen et Vatablus apud Estium putant Aaron per hoc non voluisse significare, vitulum aureum esse Dominum; sed quod speraret Moysen redditum ante diem sequentem, et festum idoli mutaturum in solemnitatem veri Dei.

Notandum est, inquit S. P. Aug. Q. 146 in Exod., quemadmodum illud totum malum, quod populus fecit, ipsi Aaron tribuatur (¶. 25), quod eis consenserit ad faciendum quod male petiverant.

P. an hæc verba Dei ad Moysen: *Dimitte me ut irascatur furor meus, sint imperantis, an potius hortantis ad deprecandum pro populo.*

R. non esse imperantis vel potensis, sed partim indicantis, quante apud Deum sint efficacæ orationes sanctorum; partim etiam hortantis ad deprecandum pro populo.

Siquidem dicendo: *Dimitte... et deleam eos*, tacite potius contrarium suggerit, ac si diceret: Cohibe me ne deleam eos, ut notat Theod.; si enim eos absolute delere voluisset, cur Moysi impedituro revelasset? Dicendo ergo: *Dimitte me*, deprecandi ansam præbet, et fiduciam impetrandi, ut observat S. Gregorius.

Cum itaque ab Omnipotente dicitur homini, Sine me et conteram eos, quid aliud dicitur quam Conterem eos, nisi diligenter abs te?... porro Deus eos occulitus diligebat, qui manifesta voce terrebat; S. P. Aug. Q. 149 in Exod.

QUESTIO III. — AN TEXTUS NOSTER, UBI DICUNTUR CECIDISSIMUS DE POPULO QUASI 25,000, PREFERENDUS SIT CÆTERIS EDITIONIBUS, UBI TANTUM NUMERANTUR 3,000.

Vers. 25: *Videns ergo Moyses populum quod esset*

*nudatus, non tam inauribus, quam auxilio et protectione Dei, propter hoc scelus irati: inaurum enim erat parva jactura, sed multum erat nudum esse et destitutum gratia Dei ejusque protectione, ut patet ex lib. Judith, cap. V, 7, 18 et 24, hinc siquidem hic subjungitur: Spoliaverat eum cum Aaron (illa scilicet singulari tutela, que populum istum, quandiu Deum coluit, nunquam deseruit) propter ignominiam sordis.* Id est propter idolum istud ignominiosum; solent enim Hebrei idola, quia vilissima sunt, et instar sordium abominanda, sordes appellare. *Et inter hostes nudum constituerat: id est inermem; Deo utique offenso, auxilium subtrahente, prostratus sine dubio et cæsus fuisse populus, ut accidit Num. XIV et XV.*

Facile autem scire poterant vicini hostes Hebreorum, eos per adorationem vituli deseruisse Deum suum, et ab eo viceissim esse desertos, a quo tam miraculose educti et protecti fuerant, ideoque eos facilime vinci posse ac deleri. Volens itaque Moyses auxilium Dei populo conciliare, eum per aliquod justæ vindictæ genus placando, ¶. 26: *Stans in porta castrorum* (id est ingressu castrorum) *ait: Si quis est Dominus (id est non vituli, sed Jehovæ seu veri Dei cultor), jungatur mihi, ut tantam Deo illatam injuriam ulciscar. Congregati sunt ad eum omnes filii Levi.* Id est plerique, multis enim etiam ex levitis occisos fuisse, patet ex ¶. 29, ubi Moyses levitis ultiibus dicit: *Consecratis manus vestras hodie Domino unusquisque in filio et in fratre suo.* Levitarum ergo magna pars non consensit idololatriæ.

Illam autem sanguinolentam stragem indicit Moyses, non tantum ex speciali mandato Dei, ut ipsem clare insinuat, ¶. 27; sed etiam ut rector populi, cui licuit tali poena scelus plectendo, iram Dei a toto populo avertere.

¶. 28: *Cecideruntque in die illa quasi viginti tria millia hominum.* Circa hunc textum oritur difficultas an revera ceciderint quasi 25,000, ut habet Vulgata nostra, an vero tantum quasi 3,000, ut habent textus hebreus et nonnullæ aliae editiones. Cum autem interpres in hac questione inter se non convenient, et hucusque non satis constet, uter textus preferendus sit: ideo utramque opinionem hic quoque proponemus. Sit igitur

§ I. — PROPOSITA OPINIO QUÆ ASSESTIT CECIDISSIMUS QUASI 25,000.

Prob. I. Quia ita constanter legunt Biblia romana, et passim antiquiora latina; item S. Greg. in lib. I Reg. cap. 14, Rupertus et omnes pene post S. Hieron. veteres commentatores.

Prob. II. Ex Apost. qui I ad Cor. X, 7, referens hanc historiam, pariter legit *viginta tria millia*; ait enim ibidem: *Neque idololatræ efficiamini, sicut quidam ex ipsis (Hebreis) quemadmodum scriptum est (hic ¶. 6): Sedit populus manducare, etc., neque fornicatur, sicut quidam ex ipsis (Num. XXV) fornicati sunt, et ceciderunt una die viginti tria millia.*

¶. 5: Dices, Apost. loco cit. referens cecidisse una die 25,000, non respicit ad historiam hoc cap. relatam, sed ad eam que refertur Num. XXV, ubi ¶. 9 dicuntur occisi 24,000 hominum, a quibus si subtrahas principes, qui ibidem sunt suspensi, non propter fornicationem, sed quia eam non impediverant, illi qui, immissa divinitus lue, occisi sunt propter fornicationem cum mulieribus Moabitarum, in toto erunt 23,000 completa.

R. Quamvis verum appareat, quod Apost. respiciat ad illos qui Num. XXXV occisi sunt propter fornicationem, tamen non de iis solis, sed etiam de idololatriis hic occisis agere videtur. Nam loco cit. intendit Corinthios avertire tum ab idolatria, tum a fornicatione; et ut hoc fortius faciat, subnectit pœnam seu occisionem 23,000: atqui inepte hanc pœnam expressisset, ut Corinthios ab idolatria revocaret, nisi etiam respxisset ad sanguinolentam stragem, de qua hic agitur; ergo illud 23,000 non tantum refertur ad fornicatores, de quibus Num. XXV, sed etiam ad idololatras, de quibus agitur hoc cap. adeoque non tantum ad historiam quæ Num. XXV, sed etiam ad illam quæ hic refertur, videtur respxisse Apostolus. Itaque exhortatio ejus hunc videtur habere sensum: *Neque idololatriam, neque fornicationem commiseritis, quia propter utrumque peccatum, etiam seorsim sumptum, ex Israelitis olim ceciderunt 23,000 hominum, nempe 23,000 propter idololatriam, Exod. XXXII, et totidem propter fornicationem, Num. XXV.*

Prob. III. Quia in tanta turba peccantium nedum pauca fuissent 3,000, sed etiam simul impossibile videtur, quod non plures ceciderint: nam, ut patet ex ¶. 27, Moyses jussit filios Levi transire per medium castrorum, simulque addidit, ut unusquisque occidere fratrem, et amicum, et proximum suum et deinde subjungitur, ¶. 28, quod filii Levi fecerint juxta sermonem seu mandatum Moysis. Cum itaque filii Levi occiderint quoslibet sibi occurrentes, qui in flagranti adhuc delicto erant, vel nondum a publicis festis, de quibus, ¶. 6, recesserant, impossibile videtur quod in tanta strage non cecidissent nisi 3,000.

Obj. I. Illæ editiones, quæ tantum habent 3,000, videntur posse conciliari cum lectione nostræ Vulgatae; ergo non est necesse ut hic a cæteris editionibus recedamus.

Prob. ant., quia commode dici potest, quod nostra Vulgata exprimat numerum occisorum, qui pertinet ad omnes tribus, aliae vero editiones eos duntaxat referant, qui pertinent ad tribum Levi. Si igitur supponatur, quod ex tribu Levi ceciderint 3,000, et ex reliquis tribubus 20,000, in toto erunt 23,000: et sic facile nostra Vulgata cum cæteris editionibus conciliari poterit.

R. Neg. ant. ejusque probat: nam præterquam quod ista conciliatio omnino ficta sit, etiam illi qui eam excogitaverunt, non satis reflexerunt se hac ratione tribum Levi, a zelo et constantia in cultu Dei laudatam, omnibus cæteris tribibus describere magis hebreis, etc.

impianam: posito enim quod tribus Levi amisisset 3,000, debuissent cæteræ tribus, ut saltem esset æqualitas in numero, simul amisisse 23,000.

Obj. II. Saltem videtur posse dici cum Lyrano, quod interpres latinus et alii eum secuti, complexi sint etiam illos, qui ¶. 55 dicuntur a Domino percussi, et quod illi in toto fuerint 20,000, quibus si addantur 3,000, quæ eæ sunt a levitis, in toto sunt 23,000: ergo saltem hoc modo videntur alias editiones posse conciliari cum nostra Vulgata.

R. Neg. ant.; nam cum hæc due percussions ad diversos dies spectent, et ¶. 28 dicantur cecidisse una die 23,000; atque id ipsum confirmare videatur Apost., I ad Cor., X, non potest illa expositiō convenire textui; potissimum cum interpres latinus non vertat versum 55, sed 28, in quo Biblia hebreæ et versio LXX jam habent *tria millia*.

Dicendum itaque cum Mario, admodum verisimile esse, quod mendum seu vitium irrepserit in numero græco editionis LXX, et ad B. Pauli numerum corrigi debeat. Hebreæ autem exemplaria ambigua sunt; dici enim potest, quod littera *Caph* sit arithmeticæ, ita ut *Cischloscheth*, non sit tanquam tria vel ferme tria, sed viginti tria: est enim apud Hebreos littera *Caph* in numero nota vicenarii. Similiter dicit A Lapide. Undenam autem varietas acciderit, incertum est. Forte in hebreo primitus inde error accidit, quod scriba aliquis litteram *Caph*, quæ, ut numeralis, denotat 20, accepit pro nota similitudinis *quasi*, sicut interdum usurpat, ut observat Frassen.

Obj. III. Juxta regulam a Bellarmino propositam, et ab omnibus communiter admittam: quando latine Vulgatae codices inter se variant, tunc necessario recurrentum est ad textum hebreum vel græcum, utpote originalem. Atqui hic ¶. 28 latine Vulgatae codices inter se variant: siquidem licet communiter habeant *viginti tria millia*, tamen aliqui habent *triginta tria millia*, puta Biblia recusa Lovanii 1547: et etiam quidam habent *tria millia*, sicuti jam quoque habent omnia hebreæ. Ergo quoad hanc lectionem potius adhærendum videtur Biblis hebreis quam latinis.

R. Disting. maj. Tunc recurrentum est ad textum hebreum, si hic non sit ambiguus; transeat: secus, nego maj. ac dico, quod cum ¶. 28 hujus cap., ut statim ex Mario vidimus, textus hebreus sit omnino ambiguus; haec in parte non recurrentum sit ad textum hebreum, sed ad exemplaria latina, quæ cæteris emendatoria, seu mendis magis expurgata sunt. Tale autem inter alia exemplar est editio latina Clementis VIII, quæ omnium editionum est novissima, et cuius textus summis laboribus, ac vigiliis restitutus, et quam accuratissime mendis expurgatus est, ut testatur jam memoratus Clemens in sua sanctione, quæ præfixa est vaticanis Vulgatae exemplaribus, impressis non tantum anno 1592, sed 1593 et 1598. Jam autem cum hæc exemplaria habeant *viginti tria millia*, eis potius adhærendum esse existimamus, quam bibliis hebreis, etc.

Obj. IV. Tertul., cap. 3, Scorpaci, S. Ambros., epist. 56 ad Romulum, Isidorus Hispalensis, Chrysost. in cap. X, epist. I ad Cor., item Rabanus et alii legunt *tria millia*.

R. hoc non esse mirum, quia illi omnes usi fuerunt codicibus græcis, qui communiter adhuc hodie-  
dum habent : *tria millia*.

Obj. V. S. P. Aug., lib. XXII cont. Faust., cap. 79, ait : *Quid ergo crudele Moyses, aut mandavit aut fecit... in paucos eorum vindicans gladio, quos Deus ipse, quem offenderant, alto et secreto judicio se-riendos, voluisse mox feriri? Atqui non fuisset vindicta in paucos, si fuissent 25,000 : ergo, etc.*

R. Neg. min.; respective enim ad tantum numerum pauci sunt : nam Hebrei (deemptis mulieribus, parvulis et tribu Levi), etiam post hanc stragem adhuc constabant ex sexcentis tribus millibus virorum quinqueaginta quinquaginta ; ut liquet ex lib. Num., cap. I.

§ II.—PROPONITUR OPINIO QUÆ ASSESTIT CECIDISET  
TANTUM QUASI 5,000.

Prob. I. Quia ita habent textus hebræus, samari-  
tanus, syriacus, arabicus, chaldaicus et versio LXX Interpretum.

Nec dici posse videtur, quod textus hebræus sit dubius vel æquivocus : nam quod littera *Caph* hic non possit accipi pro nota numerali, seu pro *viginti*, sed pro *quasi*, inde liquet, quod Vulgata nostra in omnibus libris habeat *quasi*; adeoque hoc sensu intellexit translator Vulgata istam litteram; si enim hoc loco denotaret *viginti*, deberet sattem in illis Vulgata libris, in quibus habetur : *quasi viginti tria millia*, omitti vox *quasi*. Ergo dici nequit quod inde error irrepserit in textum hebræum, quia nempe interpres aliquis litteram *Caph* accepit pro *quasi*.

Prob. II. Quia, ut ex § præced. patet, latine versiones inter se variant ; ergo juxta regulam a Bellarmino allegatam, hic necessario recurrendum vide-  
tur ad textum originale, seu hebræum. Imo antiquiores libri latini, puta biblia Antverpiensia anni 1534, pariter habent : *quasi tria millia*. Et hæc lectio, teste P. Bokentop, ante correctionem clementinam erat communior; et hoc modo etiam videtur transtulisse S. Hieron., siquidem ita exprimitur in novissima editione operum ipsius.

Prob. III. Quia ita legunt patres, § præced. cit. Item D. Thom., secunda secundæ, q. 14, art 3, Θ, et q. 97, art 4: quamvis in aliquibus editionibus recentioribus, hoc inconsulto sit mutatum, apparenter (inquit P. Bokentop) ut lectio S. Thomæ conveniret lectioni modernæ Vulgata. Argumenta autem oppositæ sententie non adeo efficacia sunt, quin ad ea commode responderi possit. Itaque

Ad Apost. dicendum est, quod ipse tantum agat de iis, qui Num. XXV dicuntur cecidisse propter fornicationem. Siquidem horum tantummodo poenam videatur voluisse exprimere atque notare, eo quod Corinthii ad fornicationis peccatum valde forent proclives, ut

constat etiam ex profanis auctoribus. Vel etiam dici potest cum S. Chrysost. in cit. Apost. locum, quod ideo non expresserit poenam idololatrarum, quia hi, qui ex illis caesi fuerant, respective ad fornicatores, admodum pauci erant.

Ad id autem quod in tanta peccantium turba, exigua admodum fuisset plaga, si tantum tria millia hominum fuissent trueidata, respondetur quod levite, qui stragem hanc fecerunt, non sint grassati in totum populum; sed, ut eis mandaverat Moyses, y. 27, de porta ad portam iverint.

Non igitur intrarunt tentoria, seu tabernacula, ad quæ se confestim, non omnino obstinati, receperunt, fugientes gladium irruentium levitarum, qui tantum obvios in platea castrorum, in flagranti delicto reperitos, occiderunt; quo attento, valde adhuc notabilis strages fuit, quod caesa sint quasi *tria millia*.

Denique ad editionem clementinam dicitur, non obstante quod sit emendatissima, et mendis quam accuratissime expurgata, in ea adhuc nonnulla minuta reperiiri, quæ mendosa videntur, ut inter alia liquet ex II. Paralip., XXII, 2, ubi in numero *quadraginta duorum annorum*, quos dicitur habuisse Ochosias, dum regnare coepit, communiter admitti solet mendum. Ergo nihil obstat, quominus, proper fundamenta superius allegata, etiam hic quoad numerum eorum, qui a levitis caesi sunt, mendum in jam memorata editione admittatur.

QUESTIO IV. — AN DUM MOYES DEUM ROGAVIT, AUT PO-  
PULO NOXAM DIMITTI, AUT SE DELERI DE LIBRO QM  
DEUS SCRIPERAT, CONGRUE INTELLIGATUR LITERA PRE-  
DESTINATIONIS.

Vers. 31: *Reversusque (Moyses) ad Dominum (eum penitus placatus), ait... Aut dimitte eis hanc noxam, y. 52: aut si non facis, dele me de libro tuo quem scripsi.* S. P. Aug. Q. 147 in Exod. in hæc verba ita scribit : *Securus quidem hoc dixit, ut a consequentibus ratio concludatur, id est, ut, quia Deus Moysen non deleret de libro suo, populo peccatum illud remitteret.* Fere ergo hic Moyses processit, sicuti, v. g., filius patri dilectus, culpam fratris immorigeri remitti a parente deprecetur hoc modo : *Vel fratri ignoscere, vel haereditate priva me;* scit enim parentem quidvis potius quam illud posterius facturum. Porro quis liber hic significetur, varii varie exponunt.

Cajetanus intelligit de libro principatus aut legislatæ. Sed hæc expositio non videtur admittenda. Quia non satisfacit intensa charitati Moysis. 2. Quia non congruit responsioni divina y. seq., ubi Deus dicit se non Moysen, sed eos, qui peccaverint, deleturum de libro suo; atqui tamen certum est quod hæc Dei responsio non intelligatur de libro principatus aut legislature; ergo, etc.

S. Hieron. epist. ad Algas. Q. 9, et S. Greg. lib. X Moral. cap. 7, et ex recentioribus Estius accipiunt de libro vita, non in cœlo, sed in terra; ut sensus sit : aut dimitte eis hanc noxam, aut tolle me de hæc vita. Attamen

R. et dico : S. P. Aug. et ex eo D. Bernardus serm. 12 in Cantica, Hugo, Victorinus, Rupertus, Abulensis, recentioresque interpretes fere omnes id de libro prædestinationis et vita æternæ concorditer accipiunt. Unde S. P. Aug. lib. XX de Civ. Dei, cap. 15, ait : *Ipsa ejus præscientia de illis, quæ falli non potest, liber est vita, in quo sunt scripti, id est ante præcogniti.*

Ratio est, quod liber vita, quem hic Deus vocat librum suum, non soleat in Scripturis significare librum vita mortalis, sed catalogum eorum, qui per prædestinationem in vitam æternam præordinati sunt, ut Apocal. XIII, 8, Daniel. XII, 1, ad Philip., IV, 3.

Obj. I. Cum Estio : Non potest hoc proprie accipi de libro prædestinatorum; quia de libro illo nemo potest deleri : Dominus autem respondit hic Moysi : *Qui peccaverit mihi, delebo eum de libro meo.* Si igitur id Moyses intellexisset de libro prædestinatorum, petiisset aliquid impossibile; et tamen id non videtur admittendum; ergo, etc.

R. cum D. Th. 4 p. q. 24, art. 3, Θ, aliquos dici conscriptos in libro vita, non quidem simpliciter, sed secundum quid, id est quod justitiam et gratiam, qua pro præsenti tempore justi sunt, qui dum justitia finaliter excidunt, dicuntur eradi; qui vero simpliciter ibidem scripti sunt, sic ut in vitam æternam sint prædestinati, isti nunquam delentur de libro vita. Itaque responsio Dei intelligitur de illis, qui temporaliter quidem justi sunt, sed tamen per peccatum mortale justitia finaliter excidunt; et sic de libro vita seu prædestinorum delentur.

Obj. II. Optare privari æterna vita, vel excidere ex statu gratia divinæ, est contra charitatem sibi debitam, et prorsus inordinatum. Ergo id non optavit Moyses.

R. Inordinatum esse id optare absolute et efficaciter : sed isto modo hoc non optavit Moyses; non enim a parte rei et vere deleri optavit, nam neverat hoc esse impossible; sed hac phrasí desiderium suum ingens aliqua ratione patefecit, quod alter non ita efficaciter patefacere poterat. Et ideo, ut ex S. P. supra vidimus, Moyses hoc omnino dixit securus, apprime enim neverat quod Deus ipsum non deleret. Sensus igitur verborum ejus est hic : aut dimite populo, aut dele me de libro tuo; sed scio quod me non deleturus sis; ergo restat ut dimittas et parcas populo.

Nihil aliud igitur illa deprecatio Moysis insinuat, quam maximum desiderium, quod habebat pro salute Judeorum. Sicut ergo, ut observat Abulensis, Christus non absolute voluit aut optavit, ut transferret ab ipso calix passionis mox future, sed per istam orationem tantum declarare voluit desiderium partis inferioris, seu sensitivæ reformidantis mortem; ita pariter Moyses hic absolute et efficaciter non optavit deleri de libro vita, sed tantum manifestavit intentionem desiderii, quod habebat pro salute Judeorum.

CAPUT XXXIII.

Dum adhuc Deus minatur populo, luget hic peccatum

*suum : Moyses interim continuo orans, tandem plena-  
nam reconciliationem populo impetrat, ac familiaritate cum Deo fretus, petit sibi ostendi faciem et glo-  
riam ejus.*

Quædam resolvuntur. — Petes 1. quale fuerit ta-  
bernaculum, quod extra castra transtulit Moyses, y. 7.

R. non fuisse commune et vulgare, in quo cum uxore et filiis habitabat, nec etiam illud magnum et augustum, quod jussit Deus fieri cap. XXVI, et quod erectum narratur cap. XL : hoc enim nondum fuerat fabricatum : sed per istud tabernaculum intelligitur aliquod minus et sacrum, in quo antea Deus colebat, cui incumbebat columna nubis, ubi conventus siebant populi, ubi Deus tunc consulebatur et responsa dabat. Erat itaque, antequam constructum esset ta-  
bernaculum illud magnum, aliud parvum in castris quasi publicum sacrarium.

Hoc autem tabernaculum, tanquam domicilium Dei, transtulit Moyses extra castra, in poenam idola-  
triae, et ad indicandum populo, quod, repulso a se Deo, castra essent contaminata : nam cum isto ta-  
bernaculo migravit simul et columna nubis; ut patet ex y. 9.

Porro ut tabulae lapideæ propter infamem idolola-  
triam a Moyse confracte fuerant, ita etiam volumen legis, quod Israelitis prælectum fuerat cap. XXIV, tunc verisimiliter disrupti jussit Deus : nam cap. XXXIV, 27, jubet rursus a Moyse idem describi.

P. 2. quo referendum sit illud, quod Deus y. 19 dixit ad Moysen : *Miserebor cui voluero;* vel, uti ha-  
bent hebrei, LXX, et ex illis Apost. ad Rom. IX, 15 : *Miserebor cui miserebor.*

R. S. P. Aug. conformiter ad Apost. hoc de ho-  
minum salvatione ac prædestinatione non incongrue intelligit. Unde Q. 134 in Exod. ita scribit : « *Quod vero addidit, » Et miserebor cui misertus ero, et misericordiam præstabò cui misericordiam præstero, « ibi plane expressius ostendit vocationem, qua nos vocavit in suum regnum et gloriam, non pro meritis nostris, sed pro misericordia sua.* »

P. 5. quomodo ea quæ a y. 21 usque ad 23 dixit Deus de abscondendo Moysen in foramine petrae, donec transiret gloria sua, intelligantur litteraliter, et quomodo allegorice.

R. Illa exponenda videri hoc modo : *Ecce est locus coram me, scilicet ubi soleo tecum loqui, et stabis supra petram, in monte Sina. Cumque transibit gloria mea, id est facies mea gloriosa, ponam te in foramine petrae, seu in caverna, in qua lateas, et protegam dexteram meam, id est nubem vel aliud corpus opacum opponam antro in quo latebis, donec transeat;* ne scilicet rutilantibus faciei meæ radiis examineris.

Tollamque manum meam, id est cum facies mea gloria transierit, amovebo nubem; et videbis posteri-  
ora mea, seu tergum angeli transeuntis, in quo ni-  
mirum temperata erit lux.

Hunc esse litteralem hujus loci sensum, ex tota serie sacri textus patet : allegoricus tamen sensus hic est potior et magis intentus a Spiritu S. Porro totum